

Bosna i Hercegovina
Federacija Bosne i Hercegovine
Tuzlanski kanton
JU Služba za zapošljavanje Tuzlanskog kantona
Tuzla

Broj: 01-11-4-637-12/24
Datum, 15.07.2024. godine

Na osnovu člana 70. stav (1), (3) i (6) i člana 64. stav (1) tačka b), a u vezi sa članom 21. stav (1) tačka c) Zakona o javnim nabavkama („Službeni glasnik BiH“, broj: 39/14 i broj: 59/22), preporuke Komisije utvrđene u Zapisniku u pregledu i ocjeni konačne ponude, broj: 01-11-4-637-11/24 od 15.07.2024. godine, člana 21. Statuta JU Službe za zapošljavanje TK broj: 01/1-1-45/2-17-1 od 26.09.2017. godine, broj: 01/1-1-45/2-17-1/19 od 19.08.2019. godine, broj: 01-02-541/P-5/19-4 od 21.01.2020. godine, broj: 01/1-04-379/21 od 10.06.2021. godine i broj: 01/1-04-1-429-9-3/22 od 19.07.2022. godine, u postupku javne nabavke usluge održavanja poslovnog softvera za licence DMS-a, direktor donosi:

O D L U K U
o izboru najpovoljnijeg ponuđača

Član 1.

Ugovor za nabavku usluga održavanja poslovnog softvera za licence DMS-a u vrijednosti od 23.040,00 KM bez uračunatog PDV-a, dodjeljuje se ponuđaču CloudIT doo Sarajevo, na osnovu provedenih pregovora te dostavljanja prihvatljive konačne ponude.

Član 2.

Sa izabranim ponuđačem, zaključit će se ugovor o nabavci predmetne usluge navedene u članu 1. ove Odluke.

Član 3.

Ova Odluka objavit će se na web stranici JU Služba za zapošljavanje Tuzlanskog kantona – www.szztk.ba, istovremeno s upućivanjem ponuđaču koji je učestvovao u postupku javne nabavke.

O b r a z l o ž e n j e

Odlukom broj: 01-11-4-637/24 od 18.06.2024. godine, pokrenut je pregovarački postupak bez objave obavještenja za nabavku usluge održavanja poslovnog softvera za licence DMS-a, a Informacija o provođenju pregovaračkog postupka bez objave obavještenja, zajedno sa Tenderskom dokumentacijom i Pozivom za učešće, objavljena na portalu ejn.gov.ba. Nakon što je provedena I faza (ocjena kvalifikovanosti ponuđača) te druga faza (dostavljanje početne ponude), pristupilo se realizaciji III faze, a to je pregled i ocjena konačne ponude.

U postupku javne nabavke utvrđeno je sljedeće:

- da je ukupan broj pristiglih konačnih ponuda 1 (jedna);
- da je blagovremeno zaprimljeno 1 (jedna) konačna ponuda;
- da nije bilo neblagovremenih ponuda;
- da nije bilo neprihvatljivih ponuda.

Na osnovu člana 21. stav (1) tačka c), a poslije provedenih pregovora, konačnu ponudu u predmetnoj nabavci dostavio je ponuđač CloudIT doo Sarajevo, sa ukupnom cijenom od 23.040,00 KM bez PDV-a, odnosno 26.956,80 KM sa PDV-om.

U skladu sa navedenim članom, Komisija je konstatovala da ponuđač CloudIT doo Sarajevo, ispunjava sve potrebne uslove da bi se sa istim zaključio Ugovor, obzirom da ima ekskluzivno pravo na softver koji je na upotrebi kod Ugovornog organa. Ponuđač je u ranijim fazama postupka dostavio autorizaciju u kojoj je navedeno da je jedini ovlašten za prodaju i održavanje sistema za upravljanje dokumentima InDoc Edge za tržište Bosne i Hercegovine. Zapisnik o pregledu i ocjeni konačne ponude, sa Izvještajem o radu Komisije, dostavljen je direktoru na uvid.

U postupku donošenja ove Odluke, posebno su cijenjene činjenice da je Komisija pravilno i potpuno, izvršila ocjenu kvalifikovanosti kandidata i obavila pregovore sa kalifikovanim kandidatom.

Također, kod donošenja ove Odluke od značaja je činjenica da je Komisija ocjenu pristiglih ponuda izvršila u skladu sa Zakonom i podzakonskim aktima te uvjetima iz tenderske dokumentacije.

U postupku ocjene provedenog postupka, direktor nije našao razloge nepravilnosti niti propuste u radu, koji bi eventualno bili osnov za neprihvatanje preporuke Komisije imenovane u predmetnom postupku javne nabavke.

Naime, u postupku je ocijenjeno da je Komisija u svemu pravilno postupila te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima i tenderskom dokumentacijom.

Iz navedenih razloga odlučeno je kao u članu 1. ove Odluke te je Ugovor o javnoj nabavci usluge održavanja poslovnog softvera za licence DMS-a, u ukupnom iznosu od 23.040,00 KM bez PDV-a, dodijeljen ponuđaču CloudIT doo Sarajevo.

Pouka o pravnom lijeku:

Protiv ove Odluke može se izjaviti žalba Uredu za razmatranje žalbi BiH, putem Ugovornog organa, najkasnije u roku od 10 (deset) dana od dana prijema ove Odluke.

Žalba se podnosi u dovoljnom broju primjeraka, a koji ne može biti manji od tri.

Naknada za žalbu je propisana članom 108. Zakona o javnim nabavkama.

Dostaviti:

1. CloudIT doo Sarajevo
2. Odjeljenje za pravne i opće poslove
3. Sektor za finansije i računovodstvo
4. a/a

Pripremila:

mr.iur.Ahmetović Berisa, bach. prava
Stručni savjetnik za javne nabavke i pravne poslove



Miralem Softić, dipl.oec